

詩聯之一

陳振東（森林所退休教授）

民國四十一年壬辰，一月十五日至十七日，登關刀山完成台灣扁柏與紅檜之插條試驗。

關刀山谷濕雲披，春雨潤滋插檜枝，木馬橋行心慄慄，徘徊林蔭賦歸遲。

民國四十二年三月廿五日至廿八日，在笠野完成「杉木栽植前之貯置法試驗。

廣葉杉苗掘即栽，埋根溝漬暫應該，幾朝浸水雖無礙，拋置驕陽化劫灰。

民國四十二年七月九日至十一日，初遊虎頭埤，前往口埤之新化林場。

虎頭水庫碧漣漪，滿徑泥沙往口埤，溪畔修篁篁下屋，羣壘柚木或相思。

民國四十二年七月至十二月間，常往台灣西海岸或山坡採集水土保持植物，供繁殖用。

蓄水定砂止土崩，培藤植草有功能，山坡海岸搜尋遍，繁衍新株日漸增。

民國四十三年十月二日至五日，初遊文山林場及烏來。

初經屈尺陟文山，險峻崎嶇步履艱，遍嶺青杉多蓊鬱，徘徊林蔭夕陽還。

泰雅烏來居聚族，峻崖懸瀑奔幽谷，淙淙溪水匯流聲，曾濯溫泉投一宿。

民國四十四年乙未，八月十六日辭實驗林管理處主任兼職。

兼司林政未朞年，伐運沾材卸仔肩，今後鱣堂專誨誘，不教案牘俗累牽。

民國四十六年十月五日至翌年三月四日，完成台灣赤楊種子之貯藏試驗。

赤楊秋熟早凝霜，粒小生機易速喪，吸濕劑雖添數種，不如乾冷耐冬藏。

民國四十七年七月三日至四日登林田山，宿在海拔二千三百公尺之高嶺。

凌空索道陟林田，紅檜青杉翠嶂連，引種白楊難適應，月懸高嶺客酣眠。

民國四十七年二月十三日，徒步初登大雪山林區之鞍馬山，六月上旬重往，進行華山松與台灣五葉松之直播試驗，惜失敗於鼠害。

鞍馬初遊雪未融，徒行鎮日暮煙濛，坍方驚險悄然過，料峭春寒怯晚風。
鞍馬重遊直播松，華山五葉兩權衡，無端種粒遭偷嚙，毒餌仍難滅鼠蹤。

民國四十八年己亥，一月十九日至廿一日，在哆囉嗎（阿里山途中）進行台灣杉之播條繁殖試驗。

台灣杉插哆囉嗎，築畦先將腐土填，滋長側枝難直立，萌根須待過周年。

民國五十年辛丑，三月九日在惠蓀林場，完成庇蔭樹下之杉木造林試驗。

蒼蒼林冠蔽晴空，地表能含水濕豐，下植杉木成活易，確知庇蔭建殊功。

五十一年壬寅，一月至三月間，完成蒸騰抑制劑（Greener）對於杉木及濕地松^林造影響之試驗。

掘苗常趁出朝暘，抑制蒸騰劑早噴，枝葉栽前先澆濕，提高成活豈訛論？

民國五十二年癸卯，二月二日至十二日，在關刀溪進行桂竹母竹與鞭根繁殖之肥料試驗。

桂竹鞭根與母株，混栽尚可較榮枯，施肥適量知多少，林地皆須設試區。

民國五十四年十二月廿三日至廿五日，往恒春林區雙流一帶，視察林相變更。

雙流卑薄綠叢生，潤葉林分漸變更，疊嶂層巒皆伐後，新栽光蠟樹繁榮。

民國五十五年丙午，一月八日至十日，視察竹東林區觀霧之^林相變更。

觀霧初遊已入冬，高寒巖壑白雲封，變更灌莽成林蔭，膠袋錯栽二葉松。

民國五十五年十月十八日至十九日，初遊巒大林區之望鄉。

望鄉蒼鬱柳杉多，月夜霜衾棲泊過，往日斧斤遺迹地，荒蕪箭竹滿山坡。

民國五十六年丁未，五月四日至六日，往巒大林區之人倫，進行台灣二葉松在庇蔭樹下之直播試驗。

人倫潤葉樹蔥蘢，林冠蔭遮二葉松，直播還須備鐵罩，深山野鼠有芳蹤。

民國五十七年戊申，三月八日至九日，在霧社進行台灣赤楊苗木分級及截幹之造林試驗。

霧社重遊種赤楊，晴嵐蒼翠映潭光，試栽苗徑須分級，截幹應留幾短長。

民國五十八年五月廿八日至卅日，重遊金門，觀摩造林，登太武山，在馬山均可眺大陸。

重遊綠蔭滿浯洲，海岸飛沙不復愁，偉績木麻黃獨有，造林選種莫他求。

民國五十八年七月十一日至十四日，再登太平山，由大元山返。

索道礪車跋涉艱，太平山往大元還，柳杉獨攬羣巒秀，擦木自生林薄間。

民國五十八年十月十一日，在梨山進行台灣二葉松之旱生地直播造林試驗。

梨山芳草碧連峯，條刈蔭遮二葉松，直播擇時宜雨季，樊籠防鼠莫疏慵！

民國六十年辛亥，二月十三日至五月十四日，在大甲林區之出雲山，進行台灣赤楊之分期造林試驗。

登陟出雲種赤楊，苗根塗抹滿泥漿，春寒二月栽宜早，炎魃不如雨送涼。

民國六十年六月間，完成台灣赤楊苗木之密度試驗。

赤楊散播出苗多，疏拔還宜賸幾何？床地空疎生產少，過稠纖弱亦偏頗。

民國六十一年壬子，一月七日至廿日往笠野，進行台灣赤楊苗木之假植試驗。

笠野傍溪種赤楊，幾朝假植可無妨，不論浸水埋溝漬，皆較苗根暴炙良。

民國六十二年癸丑，三月十六日在關刀溪，完成台灣赤楊苗木修剪，栽植深度及林地被覆，對於其栽植造林影響之試驗。

赤楊截幹更深栽，落葉枯蒿地上堆，水濕保持供應足，新根萌發易滋培。

民國六十二年九月六日在藤枝進行激動素 (Gibberellins) 對於紅
檜發育之影響試驗。

激動素將綠冠噴，皮層粉劑或儲存，藤枝紅檜雖年幼，能使早齡結實繁。

民國六十三年四月四日往大雪山林區，海拔二千八百公尺高山，觀察
冷杉天然生林；五日搭直昇機俯瞰大甲林區八仙山之台灣二葉松紅檜天然
生林。

冷杉分布最高寒，林薄羣生或散漫，縱使幼苗伸長緩，侏儒只是一時看。
穿雲越嶺直昇航，俯瞰羣巒萬壑忙，松檜林叢天賦予，八仙峻秀樹蒼蒼。

民國六十三年九月三日至五日，往棲蘭山觀察針葉母樹林，循北橫而
歸。

採種棲蘭針葉林，從今莫教斧斤侵，北橫道上多幽勝，遊屐歸來夕照沉。

民國六十四年七月廿七日至廿八日，往桃園海湖勘察海岸林。

海湖瀕岸木麻黃，底事枯梢逐漸亡？新植仍然難養育，鹽風毒氣墊為殃？

民國六十四年八月七日至九日，往竹東林區之觀霧，看柳杉疏伐。

觀霧柳杉立木稠，縱然疏伐效難收，祇因鬱閉仍深鎖，晴晝透光不易求。

民國六十五年丙辰，二月十四日在關刀溪，進行木油桐之林地施肥試
驗。

直播敝桐不用栽，速增生長必肥培，關刀溪畔斜坡地，雨露常須刈草萊。

民國六十五年三月九日，完成紅檜在庇蔭樹下之造林試驗。

萬大掘苗卓社栽，次生林冠酌疏開，預留綠蔭遮紅檜，乾燥向陽赤易培。

民國六十六年底至六十八年底，在關刀溪完成木油桐之集約撫育試驗。

敝桐林冠綠蔭遮，何必修枝摘腋芽，常見自然枯落易，入冬台切績行嘉。

在巒大林區之人倫，進行紅檜天然下種更新之試驗，自六十五年九月
整地，至六十九年六月始完成。

酌留綠蔭蔽林床，鬆土何需耒耜忙，紅檜更新能績效，尚須地被剷除光。